


# સોરં હારુ બાયબલ વતાડવું

## ઈસુનો જન્મ



લખવાવાળો: Edward Hughes

સીતરો હાતે: M. Maillot

અનુવાદ કરવાવાળો: સસીનકુમાર ભુરજ્યો

બણાવાવાળો: E. Frischbutter; Sarah S.

Story 36 of 60

[www.M1914.org](http://www.M1914.org)

Bible for Children, PO Box 3, Winnipeg, MB R3C 2G1 Canada

પરવાનગી: તમું ઈની વારતાવેન સપાવે સકો સે, ઈ સોપડજયે વેસવા હારુ નેમળે.

મીલી

Bhili

ઘણા દન પેલં દેવે દેવના દુત ગાબરીયેલને મરીયમ નામની એક યહુદી કુવારી કન કાડયો. તેને તીનીન કેદું, તન એક સોરો થાહે ને તી ઈસુ કેવાહે. તી દેવનો સોરો કેવાહે. તી કાયમ રાજ કરહે.



1

મરીયમ ઘબરાય ગય ને કેવા લાગી, યો કીકીમ થાય સકહે? મે અજુ કોય આદમીન નથ જાણયો. દેવના દુતે મરીયમને કેદું કે, સોરો દેવ તરફહી મળેલો વેહે. કોય ધરતી ઈપેરનો તેનો બા નેવેહે.



2

તેને દેવદુર્તે મરીયમને કેદું કે, તારી હગી બોન  
એલીસાબેત પોણ ડાયાવારે ભારી સે ને તેન  
સોમો મયનો જાય સે. ઈ પોણ  
એક સમતકાર હેતો. મરીયમ  
ઉતાવળહી એલીસાબેતને  
મળવા સાલી નકળી ને  
તેન મળી. મરીયમે ને  
એલીસાબેતે દેવનું  
તાજું માનયું.



3

મરીયમની હગાય યુસબ  
નામના આદમી હાતે થાયી  
હેતી. યુસબ યો જાણેન દુખી  
હેતો કે, મરીયમ સોરાન  
જનમ આલવેની સે. તી  
એવું વીસારતો હેતો કે,  
કોય બીજોસ એના  
સોરાનો બા સે.




4

દેવના હરગદુર્તે એક દન હમણામ  
કેદું કે, ઈ સોરો દેવનો સોરો સે.  
ઈસુની ભાળદેખ રાખવામ યુસબ  
મરીયમની મદદ કરતો હેતો.




5

યુસબ દેવના હુકમો પાળવાવાળો ને તેનમં વીસવાહ રાખવાવાળો  
હેતો. તી દેવના નીયમોન પોણ  
પાળવાવાળો હેતો.



6

નવા નીયમ પરમણે મરીયમ ને  
યુસબ તેનંન નામં લખાડવા  
હારુ બેથલેહેમ જયં.



7

મરીયમ સોરાન જનમ આલવેની  
તીયારીમ હેતી. પોણ તેનંન રેવા  
હારુ ખીતી જગા નેમળી, અન  
આખી ધરમસાળા  
ભરાયલી હેતી.



8

પોણા સેલે યુસબ ને મરીયમને એક ડગરં બાંદે તાં થોડીક જગા મળી. ઝાં ઈસુ મસીનો જનમ થાયો. મરીયમે તેન એક સીતરામ પુથેન વેડમં મેલયો. ઝાં ડોબંડગરંન ખાવા હારુ ખોડ આલવેની જગા કેવાય સે.




9

બેથલેહેમને મેરં ગુવાળજયા તેનંનં હુતીલં ઘેટંની રખવાળી કરતા હેતા. તેરં તેનંનં દેવનો હરગદ્દત ભાળવા જડયો.




10

અન તેને તેનંનં ઘણા ખુસીના હમીસીયાર કેદા. ઝાં દાવુદના સેરમં આજ એક બસાવાવાળા ઈસુ મસીનો જનમ થાયો સે.



11

તીનીસ વખત બીજા ઘણા હરગદ્દત ભળાયા. તી બદા દેવની એમ મુટાય કરવા લાગયા કે, હરગમં



12

અન ધરતી ઈપેરનં ઝેનંનં ઈપેર દેવ ખુસ સે, તેનંનં ઈપેર સાંતી રેહે.



13

તી ગુવાળજયા ડોટેન સેરમં જયા. ઝેરં તેનંનં સોરાન ભાળ લેદો તેરં હરગદ્દતોની ઈસુ મસી વીસેની કીદીલી વાર્તે તેનંનં અદંન કે વતાડી.



14

સાળીહ દન પસે યુસબ ને મરીયમ ઈસુન યરુસાલેમ લીજયં. તાં સીમોન નામનો એક આદમી હેતો. તી ઈસુ મસી હારુ દેવને પરાથના કરતો હેતો. તીની વખત ડોહી હાના ને દેવના બદા સેવકોવે દેવનું તાજું માનયું.

15

તી જાણતં હેતં કે, ઈસુ મસી બદી વાતમં અકલવાળો ને મનખંન સુટકારો આલવાવાળો દેવનો સોરો સે. યુસબે બે જુડ પારેવડંનં બસંન લાવેન ભોગ સડાયો.

16

ઈ દેવનો નીયમ હેતો કે, કોયપોણ કુટમના પેલખા સોરાનું ખાસ અરપણ દેવને કરવું જુગે.

17

થોડાક વખત પસે તારાન જુવાવાળા ખાસ આદમી ઉગમણા મંચહા યરુસાલેમ આયા.

ઝી યહુદજયંનો રાજા પેદા થાયો સે તી કાં સે? તેનંય કેદું, અમું તીની ભગતી કરવા માંગજયે સે.

18


ઝેરં હેરોદ રાજાવે તેના તારાન જુવાવાળા ખાસ આદમી વીસે હામળયું. તેરં તેને તેનંન કેદું કે, ઝેરં તમું તેના સોરાન જુય લો તેરં મન પોણ કેજો. કેમકે હું પોણ તીની ભગતી કરવા માંગું સે. હેરોદ દુતું બુલતો હેતો. પોણ હેરોદ ઈસુન મરાવ દડવા માંગતો હેતો.

19

તી તારાન જુવાવાળા ખાસ આદમી ઝેના ઘેરમં મરીયમ ને યુસબ તેન સોરા હાતે રેતં હેતં તાં જયા. તેનંય પોગં પડેન ભજન કરયું ને ઈસુન હુનું, રુપું ને બોળનું અરપણ કરયું.

20

દેવે તારાન જુવાવાળાન સેતવાણી  
આલેન કેદું હેતું કે, સાની રીતે બીજી  
વાટે થાયન પુતાન દેહમં જાતા રો.



21

હેરોદ ઘણો રીહમં હેતો તી ઈસુન  
મરાવ દડવેની કોસીસમં હેતો. તેને  
બેથલેહેમની આહેપાહેના વીસતારનં  
બદં નાનં સોરંન મરાવ દડયં હેતં.



22

પોણ હેરોદ દેવના સોરાન કયપોણ  
નેકરે સકયો. દેવે યુસબને હમણામ  
સેતવાણી આલેન કેદું, તેરં તી ઉઠયો  
ને મરીયમ ને ઈસુન લેન  
મીસર જાતો રીયો.



23



ઝેરં હેરોદ મરી જયો તેરં  
યુસબ મરીયમ ને ઈસુન મીસરમાંહં લેઆયો, ને  
ગાલીલ દરજયાન મેરં નાઝરેથ નામના ગામમં રેવા લાગયં.

24

ઈસુનો જન્મ

બાયબલમાંહી મન દેવની વાર્તામં,

વારતાવે મળી સે

માથી ૧-૨, લુક ૧-૨

“ઝી આપડ જીવનમં ઈજવાળું આલે સે.”

ગીતસાસતર-૧૧૯:૧૩૦

દેવ જાણે સે કે આપુંચ એવા ગુના કરયા સે કે ઝેનંન તી પાપ  
ગણે સે ને પાપની સજયા મરણ સે. દેવ આપુનંન એતરો પરેમ કરે સે  
કે તેને તેન સોરા ઈસુ મસીન કાડયો કે, આપડ પાપોની સજયા હારુ તી  
કરુસ ઈપેર સડેન પુતેનો જીવ આલે. ઈસુ મસી મરયો ને પાસો જીવતો  
થાયન હરગમં સડી જયો. દેવ હાઉ આપડ પાપોની માફી આલે સકે સે ઝો  
આપું આપડ ગુના ને પાપોહી બસવા માંગતં વેતે તેન પરાથના કરો. વાલા  
દેવ મન વીસવાહ સે કે ઈસુ મસીવે માર હારુ પુતેના જીવનનું બલીદાન  
આલયું ને હાઉ તી પાસો જીવતો થાયો સે. એ દેવ તું માર જીવનમં આવ  
ને માર પાપો માફ કર. કેમકે હું એક નવું જીવન જીવી સકું ને કાયમ  
તાર હાતે રે સકું. એ દેવ મારી મદદ કર કે હું તાર સોરાન જેમ  
તાર હારુ જીવી સકું...આમેન. યોહાન ૩-૧૬

બાયબલ વાસેન રુજ રુજ દેવ હાતે વાત કરો.